

Headline	Pokok, anugerah berharga daripada Ilahi		
MediaTitle	Utusan Malaysia		
Date	02 Sep 2016	Color	Full Color
Section	Mega	Circulation	171,663
Page No	24	Readership	563,000
Language	Malay	ArticleSize	305 cm <sup>2</sup>
Journalist	MOHD. AFENDIHUSSIN	AdValue	RM 6,083
Frequency	Daily	PR Value	RM 18,249



# Pokok, anugerah berharga daripada Ilahi

**bercakap  
dengan  
pokok**



dalam permulaan ketamadunan manusia. Kitab suci al-Quran turut mengisahkan akan sejarah Nabi Adam dan pohon khuldi seawal terciptanya manusia dengan kehidupan di syurga.

Betapa hikmah yang terkandung daripada kisah yang agung ini membawa manusia untuk bermastautin secara sementara di dunia atas tujuan beribadah dan mencari keredhaan Ilahi.

Nah! Di situlah kehidupan ini pun bermula. Kehidupan yang diamanahkan untuk mentadbir dengan penuh rasa tanggungjawab di samping memelihara anugerah istimewa yang Allah kurniakan ini.

Hadirnya pokok atau tumbuhan di muka bumi ini adalah dengan bilangan yang tidak terhitung.

Sukar untuk dinafikan, sesuatu dalam bilangan yang melimpah-ruah, apatah lagi boleh diperolehi secara mudah, sering tersisih daripada pandangan keperluan bahkan adakalanya turut dianggap remeh untuk mereka yang sentiasa melihatnya.

Begitu jugalah apa yang terjadi



**POKOK sebagai pelengkap kehidupan makhluk lain . - GAMBAR HIASAN**

terhadap pokok. Perhatikan di sekeliling anda.

Bilangannya yang terlalu banyak, sebenarnya (tanpa kita sedari dan dalam keadaan tertentu) telah menjadikan kita adakalanya alpa peri pentingnya kehadirannya dan perlunya sifat kebertanggungjawaban untuk memelihara mereka.

Renungkanlah bahawa kehadiran pokok juga adalah satu anugerah. Anugerah untuk kita mensyukuri nikmat kejadiannya yang Allah kurniakan ke atas manusia dan hidupan lain. Pokok umpama pelengkap kepada persekitaran.

Bayangkan dunia ini tanpa pokok. Bandar atau pekan yang kita lewati tidak punyai walau sebatang pun individu pokok.

Bahkan kejiranan yang kita diami hanyalah sekadar binaan-binaan yang kejur megah berdiri tanpa pokok sebagai pelengkapannya.

Bagaimana agaknya kehidupan kita? Justeru, menyedari kehadiran pokok sebenarnya adalah rahmat untuk manusia, setidak-tidaknya bakal melunakkan hati-hati kita untuk sama-sama merenung kehebatan dan kasih sayang Sang Pencipta terhadap hamba-Nya!

Bersama **MOHD. AFENDI HUSSIN**



**A**SSALAMUALAIKUM, salam perkenalan dan salam untuk membudayakan kehijauan.

Pertemuan ringkas dengan pihak media masa baru-baru ini, telah melorongkan saya untuk berkongsi serba sedikit apa yang saya faham mengenai pokok, sahabat, makhluk atau lebih tepat 'benda hidup' selain manusia yang paling intim atau rapat dengan kita.

Pokok atau secara umumnya tumbuhan, hampir boleh kita katakan berada di mana-mana, bahkan keberadaannya juga lebih awal berbanding manusia itu sendiri.

Tanpa disedari pokok sebenarnya mempunyai hubungan yang cukup dekat